

地 230.37
47
部 = 24

卷四十八

雜志

祥異

紀聞

卷末

叙錄

宋

明

清

南陵縣志

南陵縣志卷四十八

雜志

祥異

東晉太和中春穀獻白兔

案此宋志凡兩見雜記載晉太和中祥異載唐太和八年

宋治平元年大水

紹興三年五月己亥大雨至六月辛丑連三日水敗
圩堤圯官民廬舍

紹興五年八月大水民饑甚食草木

元至元二十七年甯國等路大水民流徙者甚眾

至元二十九年六月又大水

南陵縣志

卷四十八

雜志

一

大德元年三月饑八月水

大德二年正月又大水

大德四年三月甯國路旱

大德六年六月諸路饑

至順元年二月甯國路饑閏七月大水沒民田踰萬

計

至正十一年三月丙午無雲而雷

至正十五年大旱米升銀二錢

明宏治六年冬連雨雪十二月大水所至漂沒

正德三年大旱道殣相望



正德五年大水諸圩破蕩殆盡人畜溺死不勝計
嘉靖十年飛蝗食稼

嘉靖四十年大水泛溢沒圩堤大饑

隆慶五年大螟稻初實卽槁延害數歲

萬曆八年大水

萬曆十年春西鄉民獻白雉

萬曆十二年五月二十九日夜關廟旗竿上現五色

光凡三夜

萬曆十三年夏西關外樹生白鵲

萬曆十四年夏大水圩岸盡沒

南陵縣志

卷四十八

雜志

二

萬曆十六年大旱

萬曆三十六年大水沒圩堤壞田舍溺人畜

崇禎十三年大旱蝗起尋大疫

崇禎十四年大饑道殣枕藉

清順治初年上北鄉南大路郭宅墓域有黃檀一株內

腹突產修竹數竿外並無竹觀者詫爲祥

順治三年大水圩堤衝決人皆露處斷岸

順治八年大旱

康熙九年夏大水圩田浸沒冬大雨雪深數尺越月
不止道罕行跡畜多凍死

康熙十年夏連月不雨大旱熱如焚

康熙十一年春大饑人食草木

康熙三十五年三月初七日地震

康熙三十六年三月玉帶橋產白鵲

康熙四十七年南涇太三縣夏秋皆大水

康熙四十八年大疫

康熙五十三年秋旱災

康熙五十五年宣南涇三縣夏水秋旱繼以蟲禾稼
幾盡

康熙五十七年六月二十五日黎明徽郡歛休續三

南陵縣志

卷四十八

雜志

三

縣及本府宣涇旌諸山蛟並發水勢洶涌圮橋梁溺
人畜壞城垣道路南陵尤甚諸圩埝塌房屋食用等
物漂沒無存

雍正二年民毛起美妻鄧氏一產三男

雍正四年夏宣南大雨水泛溢至秋不止圩田盡沒

山田穀亦朽壞價頓昂

雍正十二年宣南涇太四縣秋禾被水

雍正十三年民徐坤妻汪氏一產三男

乾隆五年五月大水地震

乾隆八年宣南二縣秋禾水淹

乾隆九年宣南涇旌太五縣秋禾被水

乾隆十六年夏秋大旱穀價昂數倍

乾隆十七年春諸縣饑人食蕨根樹皮至秋方有收
乾隆二十年穀已熟大風雨數日籽粒落幾盡穀價
增二倍

乾隆二十八年地生毛白質黑穎

乾隆二十九年九月朔日食既晝晦見星

乾隆三十年十月地震

乾隆三十三年十二月地震

乾隆三十四年夏大水彗星見西方冬十二月二十

南陵縣志

卷四十八

雜志

四

日地震

乾隆四十年旱自夏及秋不雨民饑且饉

乾隆四十三年夏旱入秋乃雨稻稔稔冬有蝗

乾隆五十年大旱蝗自春至秋無雨斗米錢七百文

鹽價每斤八分民食榆蕨殆盡餓殍相望

乾隆五十一年春有蟲食麥葉盡而麥不傷西鄉南
莊民獻瑞麥一穗兩歧

乾隆五十七年冬十二月己巳雷電作越二十一日

辛卯雨木冰次年正月方解

乾隆六十年正月朔日食

嘉慶元年夏大水青陽橋圯漂沒民居甚眾

嘉慶三年天鳴

嘉慶五年秋大水禾稼淹溺無算

嘉慶七年旱

嘉慶九年水

嘉慶十一年二麥有秋北鄉下林都圩南壩民張姓
麥穗兩歧

以上舊志

康熙二十六年三月中寒亭雨雹大如杵屋瓦半碎
所經橫十餘里縱六十里南陵青弋江尤甚擊死者

南陵縣志

卷四十八

雜志

五

三人

宣城志
雜記

康熙三十三年七月有赤鼠小於常鼠渡江而東夜
出嚙稼數頃皆盡八月初七日飛蝗蔽天聲如雷震
者六七晝夜十月夜地震有聲十一月小麥竟畝皆
秀如四月麥秋時十二月初五日晨晴四周聲響若
決壑聲頃之陰雲四合風雨驟至午未雷動西南

休庵

影語

康熙三十五年四月十七日地震有聲如雷自西北
達於東南次日又震六月疾風暴雨雨細蟲十二月
初西風拔木雷電自丑至辰方止

休庵
影語

康熙三十六年正月珩瑯山出白土如粉食可充飢

休庵
影語

乾隆五十二年民任及賴妻羅氏一產三男 省志

嘉慶十九年大旱

嘉慶二十年大水

道光三年大水

道光十五年旱

道光二十年十一月大雪深約六七尺許

道光二十二年瘟疫流行四月十二日清弋江民獻

嘉麥一莖兩穗 枕經
堂集五月初一日未時日食至申時

南陵縣志

卷四十八 雜志

六

方明

道光二十六年旱魃爲災

道光二十八年五月初一日日食自未至申始明七

月大水

道光二十九年四月大水東北圩堤盡破潮漲至九

月始退人民餓殍無數

咸豐二年時疫流行

咸豐三年大風屢起稻多結秀不實

咸豐五年時疫流行六月下旬忽起大風十八晝夜

乃息摧傷樹屋甚多

咸豐六年大旱自二月至七月始雨禾苗枯死八月蝗大起幸稻稔民賴以生

咸豐十年蝗大起十月大雪十二月又大雪先後計八尺餘房屋壓倒無算人民凍餓死者甚多

咸豐十一年野鷺食圩田稻穀幾盡瘟疫流行冬大雪五日深四尺餘鄉民凍餓死者無算米價每元八九斤

同治元年十一月大雪

同治二年春荒菜麥無收人民病疫

同治三年宣城涇縣南陵旌德等縣大水

南陵縣志 卷四十八 雜志

同治五年大水

同治六年六月大水

同治七年五月蛟水陡發圩堤盡破民間房屋傾圮人民淹斃無算

同治八年五月大雨連縣數月各圩禾苗沉沒顆粒無收

同治十年四月初九日烈風暴發大木斯伐房屋傾圮夏旱山田受災無收

同治十一年冬大雪平地五六尺深房屋壓倒無數光緒元年有鄉民鵬雞內出一雛形似鳳毛羽五彩

數日斃

光緒四年大水地出羊毛

光緒五年地出羊毛蟻生雞卵內

光緒六年大水破圩

光緒七年地生毛大水

光緒八年大水圩田籽粒無收

光緒十年大水四月初八日天雨黑米

光緒十六年四月大水圩堤盡破七月二十四日大雷風附近房屋吹倒無算見有似龍而禿尾者飛昇入雲天旋開霽潭中水草爲風捲挂樹杪水涸下五

南陵縣志

卷四十八

雜志

八

尺

光緒十七年大水秋八月二十五日起陰雨四十日始止

光緒十八年大雪

光緒十九年瘟疫流行

光緒二十一年九月十一日雪約三四寸深

光緒二十四年大旱禾苗大傷

光緒二十六年九月大風天落紅豆色赤圓小堅硬

味辣是年冬紅教作亂旋肅清

光緒二十七年五月大水各圩壩俱破籽粒無收人

多食草根以延殘息

光緒二十八年四五兩月時疫流行

光緒二十九年大旱山圩災

光緒三十年四月十六日雹落如卵

光緒三十二年天雨紅豆五月十六日奎湖附近大風倒房拔木

光緒三十三年西鄉有民家雄雞生蛋四月大雨東門城垣崩二十餘丈

光緒三十四年十二月雷鳴

宣統元年五月大水圩鄉籽粒無收耕牛死傷無數

南陵縣志

卷四十八

雜志

九

十一月十五日地震

宣統二年五月洪水汎濫東北鄉圩破大荒又北門城垣崩十餘丈八月十五日月蝕甚除夕日天氣燥熱午後迅雷

宣統三年八月十五日長庚晝見除夕雷鳴

以上新增

紀聞

東晉咸和元年十月辛卯宣城春穀縣山岸崩獲石鼎

重二斤受斛餘

見沈約宋書符瑞志下四條同

咸康八年九月廬江春穀縣留珪夜見門內有光取

得玉鼎一枚外圍四寸豫州刺史路永以獻著作郎曹毗上玉鼎頌

永和元年二月春穀民得金勝一枚長五寸狀如織勝明年桓温平蜀

永和元年三月廬江太守路永上言於春穀城北見水岸邊有紫赤光取得金狀如印遣主簿李邁表送

宋泰始二年八月於赭圻城南得紫玉一段圍三尺二寸長一尺厚七寸太宗攻爲二爵以獻武文二廟

城乃春穀舊治是時春穀已廢舊縣志多脫誤悉照宋書改正

梁天監十年臨城山出器車

見梁臨城記臨城屬南陵郡地

南陵縣志

卷四十八 雜志

十

唐貞元十七年宣州南陵縣丞李疑死已殯三十日而甦

宋皇祐五年邑人胡友諒鑿池引水灌田獲一璃盞獻之上以其利澤萬民賜任湖主事因號其村曰盞鈴紹興初修大農陂主簿臧姓者督役至新溝掘出一棺上有石刻云易筮吉龜卜凶五百年大水通若遇臧主簿移我上高峰乃移葬分界山

明嘉靖四十二年知縣邵永春築城掘得一窖上書董必識隨訪董姓有茂才否有家譜否俱曰無乃置銀於庫遂名東門曰寶應

清康熙中孝廉梁于淇知廣西貴縣得桂林元祐黨籍碑蔡京原書石刻見宰臣溫國潞國下所載曾任待制官蘇東坡班內第三十九人則南陵徐勣也搨以徧遺同鄉蓋京所立碑因劉逵以星變請毀自端禮門外至天下州縣無復存者而桂林以摩崖特免故重定三百九人之姓名具在云

按宋元祐黨籍碑今在臨桂龍隱巖者乃黨籍碑內故相梁燾曾孫律重勒在融縣真仙巖者乃黨籍碑內餘官沈千曾孫暉重勒是此碑在桂林乃慶元四年戊午梁律重刻石也又張溟雲谷雜記

南陵縣志

卷四十八

雜志

十一

云李仲甯刻字甚工黃太史題其居曰琢玉坊崇甯初詔郡國刊元祐黨籍姓名太守呼仲甯使劓之仲甯曰小人家舊貧窶因開蘇內翰黃學士詞翰遂至飽暖今日以姦人爲名誠不忍下手郡守義之曰賢者士大夫所不及也餽以酒而從其請與石工安民乞免著名事相類

康熙三十六年城北有大綱盛開元錢數萬出河中初釣者見水面浮深綠色乍滅乍起以手探之得物盈把視之錢也因再撈漉獲錢甚多用魚籃貯歸再往或詢所獲漫曰螺迫視皆古錢遂爭取之錢盡而

綱自起眾扼之不肯舍綱立碎太史方伸買其塊龔
爲硯銘以文極古質後壬寅歲錢復見河干民爭取
之立盡

乾隆二十七年上北鄉小張家山民於山巔草際獲
金條十數旋繞若環引之徑尺

乾隆二十九年上北鄉湯村徐氏遣二小兒入山看
守肥阜兄年十一身佩刃弟甫九歲負竿以行猝遇
虎撲踞其兄弟舉竿擊虎兄曰吾有佩刃弟匍匐入
虎腋抽刃斬虎足斷筋虎負痛蹙而逸兄獲免虎以
重傷不能去翌日獵者殺之因名其弟曰斬虎

乾隆三十年間西鄉玉澗章池蚌產珠鉅者如豆人
爭取之遂盡

乾隆四十一年下北鄉石墓民有紀姓者以釣鱖爲
業於盛氏田畔得鱖穴取之不盡因涸而掘之見一
棺朱漆如新掘者夕死里人因封殖其墳立碑曰古
人墓

又霞溪朱村一虎撲婦人周氏去邑庠生朱輝文以
服孀故奮不顧身持棍斃虎得周屍報縣給賞卽以
賞銀助葬學憲朱聞其事獎曰義勇可風

乾隆四十二年北門陳有佃戶黃姓者租養犝牛臘

月間比鄰吳某主使盜殺黃亦不知其將字牘也次年黃病危自言舊殺子母牛訟於城隍案下我已庭訊三次每訊杖四十億甚今牌限五月十三日齊犯審結屆期吳某滿身發毒死黃亦昏絕夜半始甦謂家人曰牛案結矣我初跪階下遙聞唱名陳某牛訴云陳買授牧非使屠也乞免投案次問宰殺人何不帶到旁立者稟稱某雖託業不良只得黃某大錢七十文並非同謀於是急呼吳某厲聲喝曰汝明知黃某租牛何爲主謀慘殺致傷二命乃拍案嚴刑無算隨呼我掌嘴四十放還嗣後黃某耳聾足跛窮餓十

數年而死迄今案中猶有存者縷述其事如此

嘉慶元年工山下張氏鋤地獲一鑼重數斤光潔異常備者爭之不得因訟之官其鑼貯庫

以上舊志

明正統年間南鄉鳳凰山有古墓名曰判事先鋒墳大顯靈異遠近禱求者絡繹不絕究莫知其原因一日降乩自言其姓程名永璫生平好善終身不娶年八十無疾而卒玉帝念其有陰德封爲判事先鋒至是方知判事先鋒墳墓之由來程氏家譜亦載

宏治年間吳景守江津城陷死之都御史林俊督漢

番軍駐鶴山坪賊將夜劫其營至佛子崖望見營中火光燭天一人穿紅袍往來指揮懼而止次日賊衆自驚有穿紅袍者入其營人馬辟易又驚云天崩賊皆昏潰官軍亦夢景穿紅袍略陣奮擊大敗賊衆江津士民請立廟以祀之

見忠節錄

陳一道字邦緒號愚泉福建晉江人雖起家刀筆而禮士好學習知古今典故嘉靖中丞蕪湖會倭寇犯境承檄南陵防勦衆皆奔竄一道鼓勇直前以孤軍深入被害義男陳子義挺身赴援同死賊手士民莫不感泣事聞贈應天府通判子宗堯廕入監子義亦

南陵縣志

卷四十八

雜志

十四

贈應天府經歷立祠蕪湖縣治東祀之

太平府志

銅南繁三邑通衢之高橋旁建涼亭及曾家橋應須修整於通飭橋梁案經繁昌縣申明在先乾隆丁丑冬十一月繁昌貢生方瀚徐正駒等呈有南陵庠生王茂京捐資建造今其子貢生錦字秀章衛千總王鬱林字龍標恪遵遺訓於各橋亭建修工料共捐銀一千餘兩復以春夏穀價踴貴平糶濟荒兩界附近窮民得以全生據實請紀其母有爲德不卒之歎庶

可永示後來乎

太平府志

崇正己巳年盛此公女名柔娘者一夕若有所悟忽

問其父此公曰鬼何似此公曰惺然常存凝而不散者是又問曰孰常存是孰不散是此公曰常存者不散不散者常存將萬緣諸有攝歸箇中不令有一毛髮地略加滲漏便是常存任他刀林劍樹中只認我本來便是不散若念起而不滅則常存者不存若念滅而不起則不散者亦散爲問曰我將爲鬼矣居數月無疾而卒

宏光間給事中吳适疏參方國安牟文綬言文綬本無寸功驟列大帥乃復縱兵譁掠摧陷建德東流大屬非法國安受國厚恩乃銅陵西關南陵城外聚兵

南陵縣志

卷四十八

雜志

十五

攻擊赤子何辜遭茲塗炭益之深熱其與叛逆何異

陛下宜加禁戢

見鄒瀚明季遺聞

清道光年間佑聖寺地方築臺演戲臺前二柱係合抱江木越數日戲畢其木發芽透青歷久不壞至咸豐間被粵匪砍斫迄今九十餘年根株堅存其質略香時人多砍以煎水浴小兒以去溼疾

咸豐八年八月由蕪湖來一小黃牛有二頭路過邑之北鄉人見之咸以爲異後數日凡牛經過之村皆被火災

咸豐時粵匪犯境抵縣城東時男女老幼避亂者多

集城內匪勢張大逼近城邊幾難守禦頃之譙樓上忽現一編素衣服婦人端坐其中霎時雲霧連天烟塵起地空中聲響大作匪皆驚駭氣爲之奪不敢攻城而退僉謂神靈顯祐嗣邦人士供像奉祀此東城樓上觀音閣所由來也

西鄉壘上汪村西有古樹名曰望春大數圍高數丈冬蕊春花花色紅中帶白與荷花無異鄉人視其花之盛衰以占歲之豐歉有損壞其樹枝者卽時病作祈之始愈樹今尙存

南鄉大花山黃氏宅前有古槐一株生於明代毀於南陵縣志

卷四十八 雜志

十六

洪楊之亂時光緒初復活又株王廟畫眉嘴有樹一株枯毀多年亦忽復生其枝葉較他樹更茂

邑人汪時俸字惠廉心愷惻戒殺生歿前三日往各友家告辭云去鎮江爲神人以爲妄歿時沐浴冠帶端坐堂上告家人曰時已至我去矣遂逝卒年八十

二

光緒二十七年蛟洪暴發青弋江有水推來古樹橈一個重數十百斤上多孔竅水涸擱於沙灘上人莫經意一日有童子拾柴至橈旁以手探竅得洋數元再探再得共計百餘元見者咸來爭取立盡越日童

子復來採取仍得洋拾數元後將樹槐剖開空無所有

光緒二十九年青弋江地方建造柳拂庵掘地得一石碑長二尺餘寬八寸刻有柳拂庵三字下書杜牧之題蓋此庵傍於柳拂橋邊唐杜牧之曾有青弋江村柳拂橋之句也遂以石碑爲庵門扁額

光緒間增貢生王孫路在奎潭鎮授讀素患嗽喘與同里秦超友善一夜夢吟五言詩曰夜臥深山靜茫然忽世情誰爲驚夢者鶴唳與猿鳴醒後錄之時夜深急延超至示以詩且泣曰死期至矣超愕然不數

南陵縣志

卷四十八 雜志

十七

日果卒

光緒三十一年東鄉周庠妻張氏生一子背隱約現印文三方三歲夭亡

雁塔在縣北馬仁渡鎮南地周約畝許中有活泉相傳午雁鳴主功名顯達今俗訛呼雁灘

龍潭在縣南鐵爐之下澄清澈底有石洞二穿入龍山其深邃莫測時有巨魚出沒漁人捕之烈風雷雨暴至相傳有龍潛云

影塔塘在縣北三里許四周三十餘畝就塘視之見塔影焉

以上新增

南陵縣志

卷四十八

雜志

十八

南陵縣志卷四十八終

